

۱۳۳۰

دینی ، علمی ، ادبی ، سیاسی ہفتہ لق مجموعہ اسلامیہ در

جلد ۲-۹

۱۰ کانون ثانی ۱۳۲۸

خبر

صفر ۱۵ ۱۳۳۱

٢٢٨ - ٤٦ دد

ولا يحبونكم .. « آرتیق شمای به قدر تعقیب ایتدکیری پالانک نه اولدیغده هیچ شبهه قالدیمی ؟ » ان تمسکم حسنة تسوهم وان تصبکم سیئه یفرحوا بها »

« ای امرای اسلام ! بر آزده اولاد وطن ، اخوان دینکزه طوغری مسارعت و مبادرت ایدرک اجانبه کوستردیککنز توجهمک بر آزیی ده اونلره چوریک ، الک عظیم خیر و منفعتی ، الک بیوک یاردجی بی اولاد وطن ، اخوان دین ایچنده بوله جقسکیز . آرتیق ، بوندن صوکره اولسون سنت الهیه به اتباع ، صامش اولدیغکنز کریوه ضالالدن قورتولمق ، او اسفل سافلینه بردها یووارلانماق ایچون اوامر ونواهی سبجانییه ده کی حکمت بالغیه مراعات ایدیکنز ! بو فلاکتلرک اسبابی حالا کورمدیکزمی ؟ اکلامدیکزمی ؟ حس ایتدیکزمی ؟ بوغفات ، بوبصیرتسزلک نه زمانه قدر دوام ایده جک ؟ » انالله وانا الیه راجعون »

آقسه کیلی

احمد حمدی

فَلْتَنَفَعُوا

اخلاق اسلامیه نك اساسلری

۵

دین اسلامک تأسیس ایتدیکی مسئولیت — هر عقل سلیمک بلا تردد قبول ایده جکی — مسئولیت شخصییه در . هیچ برکیسه دیکرک عملندن مسئول اولماز . مؤاخذه و عتابه اوغراماز . بوندن طولاییدرکه دین اسلام آبا واجدادک معصیتندن اولاد واحفادک مسئول اولماسنی متضمن اولان « معصیت اصلیه Péchés originels [*] » نظریه سنی پک آچیق رد ایدیور . آتیده کی آیات کریمه بی برکره اوقویالم !

— « ولا تزر وازرة وزر اخرى = کناه ایشله مک شانندن اولان هیچ برکیسه دیکرک کنهانی یوکلنمز . » سورة زمر آیت ۹ ، سورة فاطر آیت ۱۹ ، سورة انعام آیت ۱۶۴ ، سورة اسرا آیت ۲۶ .

— « قل اطيعوا الله واطيعوا الرسول فان تولوا فانما عليه ما حمل وعليكم ما حملتم وان تطيعوه تهتدوا وما على الرسول الا البلاغ المبين = سن اونلره دی که : الله و رسولنه اطاعت ایدیکنز ، اگر اعراض ایدرسه کنز رسولک امر تبلیغده کندیسنه تحمیل اولنان مسئولیت

[۱] خرسیتانلر آدم علیه السلامک معصیتندن طولای بوتون بنی آدمک گرفتار لغت و مستحق عذاب آخرت اولدیغنه و خالق ذیشانک عیسی علیه السلامک مظهرندن یوعالم کون و فساد قاریشارق کندیخی صلب ایتدیرمک صورتیله ابنای آدمه فدا ایتدیکنه قائلدرلر . ایشته « معصیت اصلیه » آدم علیه السلامک بوتون اولادینی بلای سمرمدی به گرفتار ایدن زله سندن عبارت اولش اولور .

آنحقی کندیسنه ، امر اطاعتده ده سزه تحمیل اولونان مسئولیت آنحقی سزه راجعدر . مع مافیه اگر اوکا اطاعت ایدرسه کز هدایتی بولورسکیز . رسول ایسه سزه قاریشماز . اونک وظیفه سی یالکیز آچیقجه تبلیغ ایتمکدن عبارتدر . » سورة نور آیت ۵۳ .

— « يا ايها الذين آمنوا عليكم انفسكم لا يضركم من ضل اذا هتدتم الى الله مرجعكم جميعاً فينبئكم بما كنتم تعملون = ای ایمان ایدنلر ! سزه کندیکنزه باقیکنز . سزه هدایت یولنده اولدقن صوکره ضالالنده قالانلرک صایققلغندن سزه ضرر کلز . هپکیزک مرجعی اللهدر . یایدیغکنز شیلری ایشته اوزمان سزه برر برر او بیلدیرر . » سورة مائده آیت ۱۰۴ .

— « يا ايها الناس اتقوا ربكم واخشو يوماً لا يجزي والد عن ولده ولا مولود هو جاز عن والده شيئاً = ای ناس ! ربکزدن صاقینکنز . اويله برکوندنده قورقکنز که هیچ بریدر اولادینه بدل هیچ بر مکافات و مجازاته معروض قالماز . هیچ بر مولودده کندی پدرندن طولای هیچ بر مکافات و مجازات کورمز . » سورة لقمان آیت ۳۲ .

— « تلك امة قد خلت لهما ما كسبت و لکم ما كسبتم ولا تسألون عما كانوا يعملون = ایشته اونلر کلوب کچمش بر امتدر . قازاندقلری کندیلرینه ، سزکده قازاندیغکنز کندیکنزدر . اونلرک یامش اولدقلری شیلردزده سز مسئول اولمازسکیز . » سورة بقره آیت ۱۲۸ .

دین اسلام مسئولیتک برکیسه دن دیکر کیسه به تعدییه سنی یالکیز ایشانمش عملک ، خیر و شرک باشقه سنه ساری اولماسنه قصر ایدیورکه بونده کی اصابت ده محتاج ایضاح دکدر . سورة نحلک ۲۷ نجی آیت کریمه سنده :

— « ليحملوا اوزارهم كاملة يوم القيامة ومن اوزار الذين يضلونهم بغير علم الاساء ما يزرون = تا که اونلر قیامت کونده کندی کنهالرینی کاملأ یوکلنکدن ماعدا برده آکلامه دن ، دیکله مه دن اضلال ایتدکیری کیسه لک کنهالرینی یوکلنسونلر . بویله لرینک کنهانی نه فنا کناهدرا ! » بویوریلور .

کذلک بر حدیث شریفده : « من سن سنة حسنة فله اجرها واجر من عمل بها ومن سن سنة سيئة فله وزرها ووزر من عمل بها الى يوم القيامة = هرکیم ای برعادت احداث ایدرسه هم بوستنک اجرینه ، همده امت آنکله عامل اولدقجه آنلرک اجری مقدارنجبه اجره نائل اولور . هرکیمده فنا برعادت احداث ایدرسه قیامت کونه قدر هم کندی عملنک کنهانه ، همده آنکله عامل اولانلرک کنهانه کرفتار اولور » بویوریلور .

دیکر بر حدیث شریفده ده : « اذا مات ابن آدم انقطع عمله الا من ثلاث صدقة جارية او علم ينتفع به او ولد صالح يدعوه له = آدم اوغلی اولدیکی وقتده عملی منقطع اولور . یالکیز اوچ شیده منقطع اولماز . بری صدقه جاریه (یعنی کوپزو ، مسجد ، خسته خانه ، مکتب و امثالی)

خیرات) ، دیکری کنديسندن انتفاع اولسان بر علم اوچنجیسی ده کنديسنه خیر دعا ایدن بر ولد صالح .

دیگر بر حدیث شریفده ده : « الدال علی الخیر کفاعله والدال علی الشر کفاعله = خیره دلالت ایدن کیسه او خیری ایشلین ، شره دلالت ایدن کیسهده اوشری ایشلین کیدر . دیه وارد اولمشر . کورولیورکه کرک ذکر اولسان آیت کریمه وکرک متعاقباً ایراد ایدیلن احادیث نبویهک هیچ نده باشقهسک عملیه مشاب ویا معاقب اولاجنی کوستریلن کیسهلر اساساً عملدن خلی دکارلر . هر برینک کنديلرندن باشلا یوب آخره تعدی و سرایت ایدن برر عمللری وارد . برکره کنديلرندن مسئولت ذاتیهلری تحتیده صادر اولمش برر فعل خیر وشر ویاارد . صوکره بو فعللر برینی خیره سوق ایتک ، برینک اکتساب ایدهجکی خیره مانع اولمق ، بر سنت حسنه ویا شیئه ابداع ایتک ، تعلیم علم ایتک ، بعدالموت پایدار اولاجق بر صدقه جاریه تأسیس ایتک ، اعمال خیریهسی باشقهلرینه ساری بر اولادک حسن تربیهسنه اعتنا ایتک کبی شیلر اولدیغنه نظراً نفع و ضررلری بالطبع چوق زمان تمادی ایدیور . بناء علیه بونفع و ضرر تمادی ایتدکجه آنلره مرتب ثواب وعقابدن یعنی مسئولیتدن منشی اوللرینکده حصه دار اولسی پک طبعیدر ، پک محقدر .

احمد نعیم

اکیسات

« وما ظلمناهم ولكن كانوا انفسهم يظلمون = بز اونلره اصلاً ظلم ایتدک ؛ لکن اونلر ، کندی کنديلرینه ظلم ایتدیلر ، طور دیلر . » فرقان حکیم

« نه یاپدک ؟ » لیس للانسان الاماسی « واردی ! » محمد عاکف

نه یاپدم ؟ یاپدیغم شیلر ، سراپا ذل و خسراندی ؛ بصیرتله ، عقللر بر ضلال حسله طوغراندی ؛ فضائل فتنه لردن فیشقیران یانغینله هپ یاندی . حقیقت ، باطلک سهپای اعدامنده صالاندی ، کورنلر ، باقدی کچدی ؛ حق یوکسلمش کولر صاندی !

چالشمق ، اولدی چوقدن هرکسک مردود و منفوری . نیچون اوغراشمی ، تغیره امکان وارمی مقدوری ؟ یازمش آله : انسان طالک مقهور و مندوری ؛ بو دنیا ایسته مزمش ، اوله چوقلق مرد غیوری ؛ نه یاپسهک چاره یوقش ... بکله یورلر غالباً « صور » ی !

بوتون افکارمن ، اعمالن دیندن اوزاق دوشدی ؛ ضلالتلر ، فضاحتلره هم اقدام اولوب اوشدی . صداقت ، استقامت آغلامش دنیایه کوسمشدی . تعفف ، ایکله مش سیای فحشایه توکورمشدی . عواقب بین اولان کوزلر یاشارمش ، چونکه : کورمشدی !

ریالر ، مفسدتلر ، طویما بیلمز احتراصلر وار ، وطنمش ، پک عزیزمش ... اوله شیء دن وارمی هیچ آکلار ؟ « آلیرلرمش ، اولوریا ؛ ایسته یلر وارسه : آلینلر ! » دهین حاللر ، طورلر ؛ شیمدی مسکینلرله بر آغلار ! یتمشک بغی تأدیه نهایت ای بویوک قهار !

نادر حریت آکلار ظن ایدردک ملت اللهم ! دیر اولدی برده باقدق ، دونکی ارذل « بنده برشاهم ! » . بوکون محجوبدر یوکسلمه دن ، یرلرده در آهم ! — نه یوزله یالواریر انسانده دیر یارب عذر خواهم ! — ناصل بن رحم و شفقت بکله رم . هیات ، کمرهم .

مکر پک دور ایمش ، بزدن اوت معنای حریت . مکر لافدن عبارتمش ، بوتون دعوای حریت . مکر سرسم ایدرمش بزلی انجای حریت . دیمک بیهوده اولمش ، هپ بزم غوغای حریت . الهی ! قورقارم دیرلر ، بوتون اغوای حریت .

سنگ قانونلرک ، سنلرک عادلر ای خلاق ! بوتون منقاد امرک وارلغ : پروجد واستغراق . سنگ آیتکجه مرآتدر انفس و آفاق . اولی الابصار ایچون یوقدر بوتون بونلرده براغلاق . الهی ! اولماسین اسلام ایچین ، « محو اوله » استحقاق !

الهی ! ظلمی ترویج ایلمکدن شانی برترسک ؛ ستمکارانه « مؤندر » دیمز ، لغتله ایلرسک . باقی ای بیچاره ملت ، آرتیق اللهدن نه بکارسک ؟ سنگ اهلیتک یوقکن ناصیل طوتسون ظفر ویرسین ؟ سن ای قدرتلی اللهم بویوکسک ، عدله رهبرسک !

علم یوق ، حاکمیت جهله قالمش ، شرده کوک صالمش . سفاهت سعی بوغوش ، اوسته لک باقی صیت و شان آلمش . فضیلت موقعدن دوشمش ، انسانیت آلچالمش ؛ دیانتدن ، ادبدن ، دم اورانلر وارسه آبدالمش ! الهی ! عقل واذعان ویر ، یینلر طام طاگیر قالمش !